



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

20. Caij Matij vis, honor breuis, & vana dignitas.

urn:nbn:de:hbz:466:1-45686

qui, illo præsente, in theatro, Græcos versus recitauit, quo-
rum hæc erat sententia. *Qui ab uno non potest occidi, à multis occi-
ditur. Elephas grandis est, & occiditur. Leofortis est, & occi-
ditur. Tigris velox est, & occiditur. Cane multos, si singulos non
times.* Vates fuit Poëta: nam quod dixit, accidit. Postquam
enim Maximinus Aquileiam diu, magnis viribus, sed irrito
conatu, oppugnauit, more ferarum, quæ vulneratae magis
efferantur, crudelior erga suos milites evasit. Illi itaque im-
manitatis impatientes, eum vñà cum filio trucidauerunt. Po-
tuit ergò occidi, & occisus est, qui voluit tot occidere. Sic ar-
cuifortium superatus est. Quin sæpe etiam citò superatus est.

C. Marius, tempore Gallieni, à militibus ex fabro fer-
rario Imperator factus est. Fuit is tam robusti corporis, vt
Trebellius Pollio scribat, *Nullius manus vel ad feriendum, vel ad
impellendum fortiores fuisse, cùm in digitis nervos videatur habu-
isse, non venas.* Fertur enim & plaustra venientia digito saluta-
ri repulisse; & fortissimos quosq; digito ita afflixisse, vt non
secus ac querni ligni, vel clavis ferreae ictu percussi dolerent.
Multas res collisione duorum digitorum contrivit. Tam fir-
mus ipse fuit. Quām autem firmum illius imperium? Prima
die factus est imperator, secunda visus est imperare; tertia de-
sire & imperare, & viuere, occisus à milite illo, qui eius quon-
dam, in fabrili officina operarius fuit; nec sine scommate; vñà
enim & dictum hoc accepit: *Hic est gladius, quem ipse fecisti.*
Dici igitur de hoc triduano Imperatore potest, quod M. Tul-
lius de Consule Vatinio iocosè lusit; *Eo nimirum Imperato-
re, magnum ostentum accidisse, nam nec brumam, nec ver, nec
estatem fuisse.* Hæc Numinis non solum potentia, sed etiam
prudentia est, vt tyrannos & tollere è medio possit, & non
sinat esse diu, ne diu tyrannicè dominantur. Hoc enim de eo
dictum est: *Non dabit in aeternum fluctuationem iusto. Tu vero,* Psal. 54. 14;
*Deus, deduces eos in puteum interitus. Viri sanguinum & dolosi non
dimidiabunt dies suos.* Plura qui eiusmodi vult exempla, li-
brum peculiarem Ioannis Cassionis de Gigantibus, Thomam Tho. Fazell.
Fazellum, quin & Philippum Camerarium adeat, vnde locu-
ples huic argumento materia est suppeditata. Illud hoc loco, è

i. Reg. 2. 4.

XX.

Trebell Poll.
in historia 30.
tyrannor.

D. Augu-

S. Augustin,
lib. 15. de ci-
uit. Dei c. 23.

D. Augustino etiam atque etiam animaduertendum est, Deum quosdā interdū homines tam vastis corporibus nasci voluisse, vt nobis videlicet testatum relinqueretur, tam pulchritudinem corporum, quām etiam statura magnitudinem viresque carnis non esse in bonis præcipuis ponenda, cūm ea non minus impijs, quām pijs sint communia. Robur igitur animi, & mentis virtus, quæ apud impios non reperitur, est magnis la certis anteponenda. Neque quidquam contra naturam, aut naturæ authorem conqueri potest, si cui statura ingens, aut virium negata est magnitudo, cūm nulli negatum sit, quod maius est, virtutem possidere.

XXI.

Cælius lib. 7.
cap. 56.

Denique, ne illi etiam ipsi, quibus à Deo datus est membrorum valor, existiment se omnia posse, atque vt inde etiam ceteri minorum gentium homuli multò magis suam agnoscant imbecillitatem, declarat diuina sapientia, etiam illas ipsas exoticas mortalium vires, alio fine datas, multis esse in exitium, quia sunt in præsumptionem: Sicut enim vino, auro, ingenio, alijsq; à Deo donis acceptis, ita & viribus corporis abutuntur. Fit igitur erga eos justissimè severus, erga quos integratos fuit munificus. Polydamantem athletam Græcorum monumentis proditum est, velut Samsonem aliquem, inertim manu, in Olympo monte, insolitæ magnitudinis leonem confecisse. Memorant eundem etiam in armenta boum intrasse, & inibi taurum magnitudine insignem altero posteriorum pedum arripiisse, ferocientemque, & prærabido impetu profili entem, non dimisisse prius, quām in eius manu vngulam reliquerit. Scribitur etiam quadrigas tota vi concitatas constans retinuisse. Qua fortitudinis fama permotus rex Darius, Artaxerxis filius, virum magnæ mercedis pactione Suā pellicuit. Eò cūm venisset Polydamas, tres omnium Persarum fortissimos, qui vnā ex prouocatione arma suscepserant in aduersum, solus contrucidauit. Cui in usitato robori confidens, dum fortè fortuna, cum aliquot alijs in spelunca recumberet ad mensam, conuulsusq; supernè scopulus ruinam minaretur, & omnes ad fugam impelleret, solus ibidem remansit, fore sperans, vt saxum decidens facile sustineret, quo tamen op pressus